

Näyte 14: Suistamo

KP: Muistahan sid, kun ol´i lambahat hävitty, kai lambahat ol´ hävitty Loimolan kyläs. Ennen näit oldih vabaasti lehmät dai lambahat, ei, kui nyt haga-aijois pietty eigä peltolois kui nyt pietäh kiini, riimulois da... Ennen laskettih, mengähä minne tah lambahat dai lehmät. Kellot kaulah da... mengäh sinne, Jumalan hal*tuh. Lambahat ol´ kai hävitty tuoda kyläs. Suuri karju lammast ol´i, monda päivie monda miestä ečči. Monda talos ol´i lähteny monda miestä ečimäh lambahie, kun ei n´i mis lambahie löyvy, eei ni mis löyvy, eigä tulla kodih eig(ä) näje ni ken, eigä kuule. "Minne lien suatu lambahat", sanottih. Ka mingä mahtat, kun ei ole ni mis, n´iin ei ole. Tuldih eččijät pois. Sid yhtenä päivänä yhen talon emändä kaččoo ikkunas, ni lammaskarju tuloo, kellot vain helizöö kaulas. Ja n´iin pikkarane ukkone on peräs, pardu ihan muah saih, semmone, kun_tont_ukko vain. Muah saih on, lambahien peräs astuu. Pien´i keppine käjes, kun lammas yritteä kiepulleh mänemäh, dai näin sano´ "shh shh", jotta "pyzy tiel!" Ja kun siid se talo rupes lähenemäh, niin se ajaja hävie siih, suli siih, katoi, eei eniä nähty ni ken, eigä kuultu, minne mäni. Lambahat tuldih kai elävänä, tervenä pois. Se ol´ peittänyt se ukko, lambahat. Se ol´i semmone niinku maan haldija. (K taustalla). Moine ol´i ollut. Sil on kuuluu semmone taba, toisinh peitteä lambahat. Sid hos kuin ečitännöh, enäm_ei löyvy ni mis. Sid kun hänen mieli kons tegöö, sid ajoap iče pois. Vain niidähän eččimäl löyvvetä ei.

Metatiedot:

Tekijä: Haastattelijana Marjatta Jeskanen, haastateltavana Klaudia Plattonen

Omistaja: Kansanperinteen arkisto

Käyttöehto: Muu käyttöehto: Äänitettä ei saa luovuttaa edelleen, muokata tai äänitteen sisältöä julkaista sitaattioikeutta laajemmassa määrin.

Äänitettä koskevat arkiston käyttösaannot <https://sites.tuni.fi/kansanperinne/tilaukset/arkiston-saannot/>

Ladattavuus: Ei

Lähde: Kansanperinteen arkisto, Tampereen yliopisto, Kper Y/07654